



“TASDIQLAYMAN”
Samarqand viloyati statistika
boshqarmasi boshlig‘i

Sh.A.Abdiyev

**Samarqand viloyati statistika boshqarmasining korrupsiyaga qarshi
kurashish bo‘yicha idoraviy komissiyasining navbatdagi yig‘ilishi**

BAYONI №2

2023- yil 15- mart

Samarqand shahri

Raislik qiluvchi: Sh.A.Abdiyev Boshqarma boshlig‘i
Qatnashdilar: Boshqarma boshlig‘ining birinchi
o‘rinbosari, Komissiya a‘zolari,
boshqarma hamda shahar va tuman
statistika bo‘limi xodimlari (ro‘yxat
bo‘yicha)

KUN TARTIBI

“Korrupsiyasiz soha” mavzusida hamda tizim xodimlarining odob-axloq qoidalariga rioya qilishlari va o‘z kasbiga nisbatan mas’uliyat hissini oshirishni muhokama etish to‘g‘risida.

(Sh.Abdiyev, T.Sidikov, H.Ernazarov, G.Muxamadiyeva, F.Eshonkulov, U.Sadirov, Sh.Abdiyev)

Kun tartibidagi masalalar yuzasidan boshqarma boshlig‘i Sh.Abdiyev so‘zga chiqib, “Korrupsiyasiz soha” mavzusida axboroti tinglandi.

Shuningdek, har qanday qonunbuzilishiga, ayniqsa, korrupsiya holatlariga qarshi murosasizlik bilan kurashish davlat xizmatchilari tomonidan korrupsiya va boshqa suiiste‘molchiliklar sodir etilishining oldini olish choralari ko‘rish davlat xizmatchilari “halollik vaksinasi” bilan emlash, ya‘ni halollikni ularning ongiga singdirish, ma‘rifat orqali ularda korrupsiyaga qarshi murosasiz munosabatda bo‘lish kayfiyatini shakllantirish hamda bo‘ysunuvidagi davlat xizmatchilarini huquqiy va ijtimoiy jihatdan himoya qilish choralari ko‘rish yuzasidan mas‘ullarga nisbatan tegishli ko‘rsatma va topshiriqlarni belgilab berdi.

Davlat xizmatchilari o‘z vakolatlarini amalga oshirayotganda O‘zbekiston Respublikasining Konstitutsiyasi va qonunlariga, “Davlat fuqarolik xizmati to‘g‘risida”gi O‘zbekiston Respublikasining Qonuniga, O‘zbekiston Respublikasi Oliy Majlisi palatalarining qarorlariga, O‘zbekiston Respublikasi Prezidentining farmonlari, qarorlari va farmoyishlariga, Vazirlar Mahkamasining qarorlari va farmoyishlariga, ushbu Odob-axloq qoidalariga va boshqa qonunchilik hujjatlariga so‘zsiz amal qilishlari to‘g‘risida ham axborot berib o‘tdi.

Jumladan, kun tartibidagi yig‘ilishda Kadrlar bo‘limi boshlig‘i G.Muxamadiyeva ham so‘zga chiqib, tizim xodimlarining odob-axloq qoidalariga rioya qilishlari va o‘z kasbiga nisbatan mas‘uliyat hissini oshirish mavzusida ma‘ruza qildi.

Tizim xodimlari o'zlariga yuklatilgan vazifa va majburiyatlarni bajarishda ichki odob-axloq qoidalariga to'liq rioya qilishlari lozimligini ta'kidlab o'tdi.

Shuningdek, davlat xizmatchilari o'z kasbiy faoliyatini quyidagi prinsiplar asosida amalga oshirish shartlari belgilanib bunda:

qonuniylik;

Vatanga sadoqat va xizmat vazifasiga fidoyilik, yuklangan funksional vazifalarini to'liq bajarish, ijro intizomiga qat'iy rioya etish;

fuqarolar huquqlari, erkinliklari va qonuniy manfaatlarining ustuvorligi;

davlat va jamiyat manfaatlariga sodiqlik;

adolatlilik, halollik va xolislik;

korrupsiyaviy holatlarga murosasiz munosabatda bo'lish va qarshi kurashish;

xizmat sirini qat'iy saqlash;

mansab vakolatlarini suiiste'mol qilmaslik;

manfaatlar to'qnashuviga yo'l qo'yimaslik lozimligini ta'kidlab o'tdi.

Jumladan, davlat xizmatchilari mehnat faoliyati davomida va ishdan tashqari vaqtda xulq-atvorning quyidagi umumiy qoidalariga amal qilish lozimligi belgilanib bunda:

davlat xizmatining obro'siga putur yetkazishi mumkin bo'lgan xatti-harakatlardan tiyilish, axloq normalariga doimiy rioya qilish;

mas'uliyat, kasbiga sadoqat va halollikni kundalik shiorga aylantirish;

murakkab vazifalarni bajarishda hamkasblariga ko'maklashish;

xushmuomalalik, e'tiborlilik va hushyorlik bilan fuqarolarda davlatga nisbatan ishonch va hurmat hissini uyg'otish;

oilasida sog'lom muhitni ta'minlab, oila a'zolariga doimiy g'amxo'r bo'lish, farzandlarida vatanparvarlik va boshqa yuksak axloqiy fazilatlarni shakllantirish;

fuqarolarning ijtimoiy kelib chiqishi, iqtisodiy ahvoli va boshqa omillardan qat'i nazar, ular bilan bir xil, samimiy, odob doirasida munosabatda bo'lish;

jamiyatda axloqning umume'tirof etilgan qoidalariga amal qilishi to'g'risida batafsil tushuntirish berib o'tdi.

Yig'ilish kun tartibidagi masalalarni muhokama qilib,

QAROR QILADI:

1. Boshqarma boshlig'i Sh.Abdiyevning "Korrupsiyasiz soha" mavzusida hamda tizim xodimlarining odob-axloq qoidalariga rioya qilishlari va o'z kasbiga nisbatan mas'uliyat hissini oshirish yuzasidan bergan axboroti tizimda rahbarlik va ijro uchun qabul qilinsin.

2. Dasturiy texnik-ta'minot va ma'lumotlarni saqlash markazi (U.Sadirov) va Axborot xizmati (F.Eshonkulov):

boshqarma veb-saytida korrupsiyaga qarshi kurashishga oid amalga oshirilayotgan ishlar bo'yicha ma'lumotlarni muntazam ravishda yangilab borish vazifasi topshirilsin.

3. Mazkur yig'ilish qarorlari ijrosini nazorat qilish boshqarmaning korrupsiyaga qarshi kurashish bo'yicha idoraviy komissiyasi a'zolari zimmasiga yuklatilsin.

Komissiya kotibi



X.Xolmo'minov